

# LUMIZZANE – TARDE NUESTRE = AME SCHERZATE! ('NA RECCHIE A GIUANNE E 'N'UECCHIE A ALFREDE)

L'ha mann't Aldo "Diecipalazzine"  
martedì 06 settembre 2011

Ehehehe&hellip; menumale ca &lsquo;a voce de Giuanne nuestre arrevave ggiuste ggiuste cu &lsquo;a televisione, ca ce pigghie e segnave &lsquo;u Tarde nuestre ( vabbèèèèèèèè segnave mol&hellip; jè difficile ca segne &lsquo;u tarde nuestre&hellip; ehehehe) u sapemme apprime de vederle. In ogni ccase, &lsquo;a partite ha state sospese piccè chiuveve a dalla dalle. Ame sciucate sulamende &lsquo;u prime timbe&hellip; ggiuste ggiuste pe sbaglià &lsquo;nu pare de gol e &lsquo;n&rsquo;otre picche de pigghiarne une, abbuene abbuene. ComunGue &lsquo;a colpe jè de quedda malaurije de BRUCATE ca stave addà. Ma diche ije! No te putive sta a ccasa tove cu le piccinne? Ame acuimenzate bbuene no? Ame sciute a sciucà ind&rsquo;a &lsquo;nu paise scuresciute in provinge de Bresce addò facene le rubenette.

Secondo me s&rsquo;honne scurdate qualche rubenette apijrte dase totta l&rsquo;acque ca ha scennute mmienze o cambe&hellip; ehehehe! Accussi l&rsquo;arbitre ha ditte: Assugate &lsquo;u cambe apprime e po&rsquo; ne vedime. Ma diche ije, ce n&rsquo;honne mise a ffà ind&rsquo;a stu gerone a pizze? Chiove sempre da quidde vanne! No jeve megghie a sciucà ind&rsquo;o gerone meridionale? Ce peccate però pe tutte quidde cristiane ca honne sciute addà apposte apposte! Tefuse, sciucature, giornaliste, televisione!

Mò! Azzicche e va n&rsquo;otra voteeeeeee fine a quedda vanne sbunnate. ComunGue, &lsquo;u Tarde s&rsquo;ha mosse bbuene. Specie CHIARETTI ca s&rsquo;ha mangiate pure &lsquo;nu pare de gol. No ha cangiate ninde va! Jè sempre: Tuttapposte!